

Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA
Sektor za javna preduzeća i javne ustanove

Broj: 19-04-7040 /23-2
Zenica, 18.05.2023. godine

STRUČNA SLUŽBA GRADSKOG VIJEĆA

PREDMET: Izvještaj o poslovanju JP "Parking servis" d.o.o. Zenica za 2022. godinu

Sektor za javna preduzeća i javne ustanove u ime Skupštine razmotrio je Izvještaj o poslovanju JP "Parking servis" d.o.o. Zenica za 2022. godinu sa pripadajućim setom izvještaja. Nakon analize dostavljenih dokumenata, Sektor konstatuje:

U 2022. godini JP "Parking servis" d.o.o. Zenica je do 31.10.2022. godine zastupao direktor Nisvet Hukić, dipl. oec., a od 01.11.2022. godine Armin Kurtagić, mr građ., koji je izabran na četverogodišnji mandat. Funkciju Nadzornog odbora do 06.10.2022. godine obavljali su Baručija Kapidžić Almira, Krujeziu Indira i Jasminka Biogradlija, a od 10.10.2022. godine tu funkciju su, kao privremeni članovi do okončanja konkursne procedure, obavljali Slaven Tomaš, Amira Serdarević i Haris Alić.

Osnovna djelatnost Društva jeste upravljanje i gazdovanje parking prostorima. Pružanje usluga ostvaruje se u skladu sa Odlukom o organizaciji i načinu naplate parkiranja i Odlukom o organizaciji i sigurnosti saobraćaja na cestama. Preduzeće raspolaže sa ukupno 719 parking mjesta i 314 garaža.

Preduzeće je na dan 31.12.2022. godine zapošljavalo 35 radnika na neodređeno vrijeme.

U periodu 01.01. do 31.12.2022. godine ostvareni su ukupni prihodi u iznosu 1.342.511,96 KM i manji su za 6,51% u odnosu na isti period prethodne godine. Od ukupnog iznosa ostvarenih prihoda, 73,25%, odnosno 983.352 KM, ostvareni su pružanjem usluga na tržištu, tj. predstavljaju prihode od pružanja usluga. Najznačajniji prihodi su:

- prihod od naplatnih parkirališta 852.561 KM,
- prihod od zakupnine stanara i pravnih lica 147.616 KM.

Ukupni rashodi u izvještajnom periodu iznose 1.271.933,75 KM, te su za 4,73% veći od rashoda nastalih u 2021. godini. Troškovi plaća i naknada radnika u ukupnom rashodu učestvuju sa 66,43% (844.896 KM).

Ostvaren je pozitivan finansijski rezultat, odnosno dobitak u iznosu 70.578 KM.

Na dan 31.12.2021. godine stanje potraživanja, novčanih sredstava i obaveza iznosi:

- Kratkoročna potraživanja (kupci) 39.243 KM
- Novčana sredstva 83.530 KM
- Kratkoročne obaveze (dobavljači) 9.104 KM

Preduzeće je likvidno i može pravovremeno izvršavati obaveze iz vlastitih sredstava. Stanje dugoročnog kredita na kraju 2022. godine iznosi 267.964 KM.

Reviziju finansijskih izvještaja je obavilo Društvo za reviziju „RE-controlling“ d.o.o. Zenica, te su dali pozitivno mišljenje na iste. Naglasili su da izvještaji daju istinit i fer prikaz finansijskog položaja Društva, finansijsku uspješnost, i novčane tokove za 2022. godinu, te su u skladu sa Međunarodnim standardima finansijskog izvještavanja i računovodstvenim propisima koji se primjenjuju u FBiH.

U 2022. godini Nadzorni odbor je održao 18 sjednica na kojima je razmatrao različita pitanja iz svoje nadležnosti. Kontinuirano je razmatrao mjesečne i periodične izvještaje o poslovanju Preduzeća. Svojim odlukama su usvojili Izvještaj o poslovanju i Izvještaj nezavisnog revizora za godinu koja je završila 31.12.2022. godine.

Služba za vodoprivredu, putnu infrastrukturu i mjesne zajednice je dala pozitivno mišljenje na priloženi Izvještaj o poslovanju, na poslovni odnos Službe sa Preduzećem i Upravom, te istakla kvalitetno, i u skladu sa pravilima struke ispunjavanje ugovornih obaveza prema Gradu Zenica.

Sektor za javna preduzeća i javne ustanove dostavlja Izvještaj o poslovanju Javnog preduzeća “Parking servis” d.o.o. Zenica za period 01.01. – 31.12.2021. godinu, sa pratećim izvještajima, Gradskom vijeću na dalje razmatranje i odlučivanje.

PRILOZI:

1. Izvještaj o poslovanju JP “Parking servis” d.o.o. Zenica za 2022. godinu, sa Odlukom Nadzornog odbora o usvajanju istih,
2. Finansijski izvještaji za godinu koja je završila 31. decembra 2022. godine i Izvještaj nezavisnog revizora, sa Odlukom Nadzornog odbora o usvajanju istih,
3. Izvještaj o radu Nadzornog odbora JP “Parking servis” d.o.o. Zenica za 2022. godinu, sa ocjenom rada direktora,
4. Prijedlog raspodjele dobiti za 2022. godinu, sa Mišljenjem Nadzornog odbora o istom.

S poštovanjem,



Šefica sektora za
javna preduzeća i javne ustanove
Mia Pojskić

DOSTAVLJENO:

1x Naslov
1x a/a